

গণপ্রজাতন্ত্রী বাংলাদেশ সরকার
কৃষি বিপণন অধিদপ্তর
খামারবাড়ি, ফার্মগেট
ঢাকা-১২১৫।

স্মারক নং: ১২.০২.০০০০.০১২.০৬.০০১.১৮-৪৬৫


তারিখঃ ৭-০৩-২০১৮

বিষয়ঃ কৃষি বিপণন অধিদপ্তরের আওতায় বাস্তবায়নাধীন ২০১৭-১৮ অর্থ বছরের এডিপিতে অন্তর্ভুক্ত প্রকল্প/কর্মসূচী সমূহের উপর গত ২৬-০২-২০১৮ তারিখে অনুষ্ঠিত বাস্তবায়ন অগ্রগতি পর্যালোচনা (জানুয়ারী/২০১৮ পর্যন্ত) সভার কার্যবিবরণী প্রেরণ প্রসঙ্গে।

উপর্যুক্ত বিষয়ের প্রেক্ষিতে জানানো যাচ্ছে যে, গত ২৬-০২-২০১৮ তারিখে কৃষি বিপণন অধিদপ্তরের আওতায় বাস্তবায়নাধীন ২০১৭-১৮ অর্থ বছরের এডিপিভুক্ত প্রকল্প এবং রাজস্ব বাজেটভুক্ত কর্মসূচীসমূহের বাস্তবায়ন অগ্রগতির (জানুয়ারী/২০১৮ পর্যন্ত) উপর পর্যালোচনা সভা অনুষ্ঠিত হয়। উক্ত সভার কার্যবিবরণী সদয় অবগতি ও পরবর্তী প্রয়োজনীয় ব্যবস্থা গ্রহণের জন্য নির্দেশক্রমে এতদসঙ্গে প্রেরণ করা হলো।

২। কার্যবিবরণীতে বর্ণিত সিদ্ধান্তসমূহের বাস্তবায়ন অগ্রগতির প্রতিবেদন মার্চ, ২০১৮ মাসের এডিপি সভার কার্যপত্রে অন্তর্ভুক্তির জন্য বিশেষ কোন আলোচ্যসূচীর প্রস্তাব থাকলে তা আগামী ১৫-০৩-২০১৮ তারিখের মধ্যে অধিদপ্তরে হার্ড কপি ও সফট কপি(e-mail: neenashahnaz@gmail.com) আবশ্যিকভাবে প্রেরণ করার জন্য নির্দেশক্রমে অনুরোধ করা হলো।

সংযুক্তঃ বর্ণনামতে ০৪ (চার) পাতা।


(শাহিনাজ বেগম নীনা)
উপ-পরিচালক (পিপি)
ফোনঃ ৯১১৪৮২২

e-mail: neenashahnaz@gmail.com

কার্যার্থে অনুলিপিঃ (জৈষ্ঠ্যতার ক্রমানুসারে নয়)।

- ১। উপ-পরিচালক (বাজার সংযোগ), কৃষি বিপণন অধিদপ্তর, খামারবাড়ি, ঢাকা।
- ২। উপ-পরিচালক (গবেষণা), কৃষি বিপণন অধিদপ্তর, খামারবাড়ি, ঢাকা।
- ৩। উপ-পরিচালক, কৃষি বিপণন অধিদপ্তর, ঢাকা/চট্টগ্রাম/রাজশাহী/খুলনা/সিলেট/বরিশাল/রংপুর বিভাগ।
- ৪। প্রকল্প পরিচালক, সিলেট অঞ্চলে শস্যের নিবিড়তা বৃদ্ধিকরণ প্রকল্প (বিপণন অংগ), খামারবাড়ি, ঢাকা।
- ৬। কর্মসূচি পরিচালক, বসতবাড়িতে আলু সংরক্ষণ, প্রক্রিয়াজাতকরণ ও বিপণন কার্যক্রম কর্মসূচি, রংপুর।
- ৭। কর্মসূচি পরিচালক, ফ্রেশকাট শাক-সবজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচি, ঢাকা।

সদয় অবগতির জন্য অনুলিপিঃ

- ০১। সিনিয়র সচিব, কৃষি মন্ত্রণালয়, বাংলাদেশ সচিবালয়, ঢাকা।
(দৃঃআঃ যুগ্ম-প্রধান, কৃষি মন্ত্রণালয়)।
- ০২। সিস্টেম এ্যাডমিন (আইসিটি সেল), কৃষি বিপণন অধিদপ্তর, খামারবাড়ি, ফার্মগেট, ঢাকা।
(ওয়েব সাইটে প্রকাশের অনুরোধ সহ)
- ০৩। মহাপরিচালক মহোদয়ের ব্যক্তিগত কর্মকর্তা, কৃষি বিপণন অধিদপ্তর, খামারবাড়ি, ফার্মগেট, ঢাকা।

গণপ্রজাতন্ত্রী বাংলাদেশ সরকার
কৃষি বিপণন অধিদপ্তর
খামারবাড়ি, ফার্মগেট
ঢাকা-১২১৫।

বিষয়ঃ ২০১৭-১৮ অর্থ বছরের এডিপিভুক্ত কৃষি বিপণন অধিদপ্তরের আওতায় বাস্তবায়নাধীন প্রকল্প/কর্মসূচীসমূহের উপর গত ২৬-০২-২০১৮ তারিখে অনুষ্ঠিত বাস্তবায়ন অগ্রগতি পর্যালোচনা (জানুয়ারী/২০১৮ পর্যন্ত) সভার কার্যবিবরণীঃ

সভাপতি : জনাব মোঃ মাহবুব আহমেদ, মহাপরিচালক, কৃষি বিপণন অধিদপ্তর।
স্থান : সভা কক্ষ, কৃষি বিপণন অধিদপ্তর, ঢাকা।
সময় : সকাল ০৯.৩০ ঘটিকা।
তারিখ : ২৬ ফেব্রুয়ারী, ২০১৮ খ্রিঃ।
সভায় উপস্থিত কর্মকর্তাবৃন্দ : পরিশিষ্ট-‘ক’।

সভাপতি সকলকে স্বাগত জানিয়ে সভার কাজ শুরু করেন। অতঃপর সভার কার্যপত্র অনুযায়ী আলোচনান্তে নিম্নরূপ সিদ্ধান্ত গৃহীত হয়ঃ

১। আলোচ্য বিষয়-১: ২৯-০১-২০১৮ তারিখে অনুষ্ঠিত এডিপি পর্যালোচনা সভার কার্যবিবরণী নিশ্চিতকরণ।

গত ২৯-০১-২০১৮ তারিখে ডিসেম্বর ২০১৭ সময়ের এডিপি পর্যালোচনা সভার কার্যবিবরণী নিশ্চিতকরণের জন্য সভায় উপস্থাপন করা হয় এবং কোন সংশোধনী প্রস্তাব না থাকায় তা নিশ্চিতকরণের সিদ্ধান্ত গৃহীত হয়।

ক্রঃ নং	সিদ্ধান্ত	বাস্তবায়নকারী কর্তৃপক্ষ
১.১	২৯-০১-২০১৮ তারিখের এডিপি পর্যালোচনা সভার কার্যবিবরণী নিশ্চিত করা হলো।	উপ-পরিচালক (নীতি ও পরিকল্পনা)

২। আলোচ্য বিষয়-২.১: কৃষি বিপণন অধিদপ্তর কর্তৃক বাস্তবায়নাধীন এডিপিভুক্ত প্রকল্প ও রাজস্ব বাজেটভুক্ত কর্মসূচীসমূহের বাস্তবায়ন অগ্রগতির তথ্য উপস্থাপন কালে সভাকে জানান হয় যে, কৃষি বিপণন অধিদপ্তরের আওতায় ২০১৭-১৮ অর্থ বছরে এডিপিতে ০১টি বিনিয়োগ প্রকল্পের অনুকূলে এডিপি ৫৩০.০০ লক্ষ টাকার বিপরীতে ১ম ও ২য় কিস্তি বাবদ মোট ২৬৫.০০ লক্ষ টাকা ছাড় পাওয়া গেছে এবং জানুয়ারী, ২০১৮ পর্যন্ত সর্বমোট ২০৫.৮৩ লক্ষ টাকা অর্থ ব্যয় করা হয়েছে যা মোট বরাদ্দের ৩৮.৮৪%। তাছাড়া কৃষি বিপণন অধিদপ্তরের বাস্তবায়িত ০২টি কর্মসূচী এর আওতায় ২০১৭-১৮ অর্থ বছরে মোট ৮৩.৮০ লক্ষ টাকা বরাদ্দের বিপরীতে ১ম ও ২য় কিস্তি বাবদ ৪১.৯০ লক্ষ টাকা ছাড় করা হয় এবং জানুয়ারী, ২০১৮ পর্যন্ত সর্বমোট ৩৩.৭৩ লক্ষ টাকা ব্যয় করা হয়েছে যা মোট বরাদ্দের ৪০.২৫%। ইতোমধ্যে প্রকল্পের ৩য় কিস্তি অর্থ ছাড়ের প্রস্তাব করা হয়েছে এবং কর্মসূচি ০২টির ৩য় কিস্তি অর্থ ছাড় করা হয়েছে। এডিপি বাস্তবায়নের হার আরও গতিশীল করার লক্ষ্যে প্রকল্প/কর্মসূচি সমূহে আরো বেশী গতিশীল হওয়ার জন্য প্রকল্প পরিচালক ও কর্মসূচি পরিচালককে সভায় নির্দেশনা দেয়া হয়।

২.১ বিগত সভার সিদ্ধান্ত বাস্তবায়ন অগ্রগতি আলোচনাকালে সমন্বিত মান সম্পন্ন উদ্যান উন্নয়ন প্রকল্প (ডিএএম অংগ) (সমাপ্ত) এবং “সিলেট অঞ্চলে শস্যের নিবিড়তা বৃদ্ধিকরণ (বিপণন অংগ)” (ডিএএম অংগ) প্রকল্পের বছর ওয়ারী সকল অডিট আপত্তি অতিদ্রুত নিষ্পত্তি করার জন্য অডিট অধিদপ্তরে যোগাযোগ করে প্রয়োজনীয় উদ্যোগ গ্রহণ করতে সভায় নির্দেশ প্রদান করা হয়।

২.২: “সিলেট অঞ্চলে শস্যের নিবিড়তা বৃদ্ধিকরণ (বিপণন অংগ)” প্রকল্পের আওতায় চলমান এসেম্বল সেন্টার নির্মাণ কাজ শেষ করার প্রয়োজনীয় উদ্যোগ গ্রহণ এবং প্রশিক্ষণ, সেমিনার ও মোটিভেশনাল ট্যুর দ্রুত শেষ করার জন্য সভাপতি নির্দেশনা প্রদান করেন। প্রতিটি প্রশিক্ষণে ৮/১০টি পণ্যের রেসিপি সম্বলিত পুস্তিকা তৈরী করে তা বিতরণের ব্যবস্থা গ্রহণ ও সাইন্স ল্যাবরেটরী হতে প্রাপ্ত প্যাটেন্ট হতে সহজলভ্য এবং সম্প্রসারণযোগ্য প্যাটেন্ট সংগ্রহ/ক্রয় করে মাঠ পর্যায়

উদ্যোক্তা উন্নয়নের প্রয়োজনীয় ব্যবস্থা গ্রহণ করতে সভাপতি নির্দেশ প্রদান করেন। এছাড়া প্রশিক্ষণে আদা, রসুন, কাঁচামরিচ ইত্যাদি মসলাজাতীয় পণ্য এবং আলুর রকমারি খাবার, প্রক্রিয়াজাতকরণ ও পেট তৈরীর কলাকৌশল বিষয়ে ধারণা দিতে রেসিপি বুক প্রস্তুত করে মাঠ পর্যায়ে বিতরণের প্রয়োজনীয় উদ্যোগ নিতে সভাপতি নির্দেশ প্রদান করেন। সুনামগঞ্জে এসেম্বল সেন্টার নিয়ে সৃষ্ট জটিলতা নিরসনে দ্রুত কার্যকর ব্যবস্থা গ্রহণ এবং এসেম্বল সেন্টারের জন্য অতিরিক্ত অর্থ প্রদান করার সুযোগ নাই বিধায় বরাদ্দকৃত অর্থ হতে কার্য সম্পাদন করার জন্য এলজিইডিকে পত্রের মাধ্যমে অনুরোধ করতে সভায় নির্দেশনা প্রদান করা হয়।

২.৩: “বসত বাড়ীতে আলু সংরক্ষণ, প্রক্রিয়াজাত-করণ ও বিপণন কার্যক্রম কর্মসূচি” কর্মসূচির শেষ বছরে চাঁদপুরে আলুর ঘর তৈরীর জায়গা সংক্রান্ত বিষয়ে জটিলতা নিয়ে সভাপতি অসন্তোষ জ্ঞাপন করেন এবং মার্চ/২০১৮ মাসের মধ্যে সকল আলুর ঘর নির্মাণ কাজ সমাপ্ত করতে সভায় পুনরায় নির্দেশনা দেয়া হয়। এছাড়া আলুর বহুমুখী ব্যবহার সম্প্রসারণের লক্ষ্যে আলুর মুখরোচক খাবার জনপ্রিয় করে তুলতে আলু হতে রকমারি মিষ্টি প্রস্তুত পূর্বক বিক্রয়ের নিমিত্ত মডেল “আলুর মিষ্টি ঘর” তৈরীর কাজ শেষ করতে সভায় পুনরায় নির্দেশনা প্রদান করা হয়। এছাড়া কর্মসূচির কার্যক্রম অব্যাহত রাখার নিমিত্ত আগামী সভার পূর্বেই বৃহৎ আকারে একটি নতুন কর্মসূচী প্রস্তাব দিতে সভায় সিদ্ধান্ত গৃহীত হয়। গৃহ পর্যায়ে আলু সংরক্ষণাগার নির্মাণ কৌশল ও তার উপযোগীতা সম্বলিত তথ্যাদিসহ লিফলেট, পোস্টার ও হ্যান্ডবিল মুদ্রণের ব্যবস্থা নিতে হবে এবং এতদসংক্রান্ত বিষয়ে ০৭ (সাত) দিনের মধ্যে জাতীয় পত্র পত্রিকায় গণবিজ্ঞপ্তি প্রচারের ব্যবস্থা নিতে হবে। এছাড়া বিভিন্ন জেলার আলুর কোল্ড স্টোরেজের এর ভাড়া পুনঃনির্ধারণের জন্য জেলা বাজার কর্মকর্তাগণ কোল্ড স্টোরেজ-এ সরাসরি যোগাযোগ করে এ বিষয়ে তাদের মতামত সংগ্রহ পূর্বক একটি প্রতিবেদন প্রেরণ করার জন্য অধিদপ্তরের গবেষণা শাখাকে সভায় নির্দেশনা প্রদান করা হয়।

২.৪ : ফ্রেশকাট শাকসজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচির কার্যক্রম আরো গতিশীল করার লক্ষ্যে মার্চ/২০১৮ মাসের মধ্যে সকল প্রশিক্ষণ, সেমিনার ও মোটিভেশনাল ট্যুর কার্যক্রম সমাপ্ত করাসহ কর্মসূচির আওতায় সংগৃহীত ভ্যান গুলোর মাধ্যমে পণ্য সামগ্রী ঢাকা শহরে দৃশ্যমান স্থানে বিক্রয়ের ব্যবস্থা গ্রহণ করতে সভায় পুনরায় নির্দেশ প্রদান করা হয়। এছাড়া বিভাগীয় শহরের বিভিন্ন সুপারশপের উর্ধ্বতন কর্তৃপক্ষের সাথে আলাপ আলোচনা করে ফ্রেশকাট কর্মসূচির উদ্যোক্তাগণ কর্তৃক উৎপাদিত পণ্য সামগ্রী বিক্রির ব্যবস্থা গ্রহণের নিমিত্ত কর্মসূচি হতে সংশ্লিষ্টদের সাথে সমঝোতা স্মারক (এমওউ) স্বাক্ষর করার জন্য সভায় পুনরায় নির্দেশনা প্রদান করা হয়। আলু, টমেটোর বিকল্প ব্যবস্থা এবং ফ্রেশকাট শাকসজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ সম্পর্কে ব্যাপক প্রচার প্রচারণার লক্ষ্যে কৃষি তথ্য সার্ভিসের মাধ্যমে বিভিন্ন জাতীয় পত্রিকা ও ইলেক্ট্রনিক মিডিয়ায় প্রচারের ব্যবস্থা গ্রহণ করতে সভায় নির্দেশনা প্রদান করা হয়। কর্মসূচি হতে যে সকল জেলায় ভ্যান বিতরণ করা হয়েছে তা মনিটরিং করার জন্য বিভাগীয় উপ-পরিচালকদের পত্র দিতে হবে। এছাড়া ভ্যান বিতরণের নীতিমালা অতি দ্রুত চূড়ান্ত করে বিতরণের ব্যবস্থা গ্রহণ করতে হবে।

৩: দরপত্রের অগ্রগতি বিষয়ে আলোচনাঃ ২০১৭-১৮ অর্থ বছরের কর্ম ও ক্রয় পরিকল্পনা অনুযায়ী প্রকল্প/কর্মসূচি সমূহের যে সকল পণ্য/কার্য/ সেবার দরপত্রের কার্যাদেশ প্রদান করা হয়েছে তার গুণগত মান ও সিডিউলের নির্ধারিত স্পেসিফিকেশন মোতাবেক কার্য সম্পন্ন করতে সভায় নির্দেশনা প্রদান করা হয়।

৪-বিবিধঃ অধিদপ্তরের বিভিন্ন আঞ্চলিক প্রশিক্ষণ কেন্দ্রে বিদ্যমান অতি পুরাতন মেশিনারী গুলো ডিসপোজালের জন্য গঠিত কমিটি কার্যকর ব্যবস্থা গ্রহণ পূর্বক মতামতসহ প্রতিবেদন সদর দপ্তরে প্রেরণ না করায় সভায় অসন্তোষ জ্ঞাপন করা হয় এবং দ্রুত এ বিষয়ে কার্যকর ব্যবস্থা গ্রহণের জন্য পুনরায় সভায় নির্দেশনা প্রদান করা হয়। কৃষি মন্ত্রণালয়ের বাজেট ওয়ার্কিং গ্রুপের সভার আলোচনার প্রেক্ষিতে “কৃষিজাত পণ্যের বিপণন সুবিধা সম্প্রসারণের লক্ষ্যে সংশ্লিষ্ট সরকারী ও বেসরকারি দপ্তর/প্রতিষ্ঠানের সমন্বয় সাধন” করার নিমিত্ত কৃষি বিপণন অধিদপ্তরের বাজার সংযোগ শাখাকে সাচিবিক উদ্যোগ গ্রহণের নির্দেশনা প্রদান করা হয়। এ কাজের ধারাবাহিকতায় কাঁঠালের গুনাবলী, ব্যবহার ও বিপণন সম্ভাবনার উপর ১টি প্রেজেন্টেশন প্রস্তুত ও কাঁঠাল মৌসুমের পূর্বেই ১টি স্টেকহোল্ডার সভার আয়োজন করতে সভায় নির্দেশনা প্রদান করা হয়। কাঁঠালের চিপস, ফ্রেশকাট এবং কাঁচাকাঠালকে ভেজিটেবল মিট হিসেবে জনপ্রিয় করার উদ্যোগ নিতে সভায় নির্দেশনা প্রদান করা হয়। আলু ও টমেটো দিয়ে তৈরি বিভিন্ন রকমারি খাদ্যের প্রক্রিয়াজাতকরণ রেসিপি ও খাদ্যের বহুমুখী ব্যবহার

সম্পর্কিত বিজ্ঞাপন জনবহুল পত্রিকায় প্রচারের ব্যবস্থা গ্রহণ করতে হবে। এছাড়া প্রকল্প পরিচালক/কর্মসূচি পরিচালকগণকে সভার কার্যবিবরণী অনুযায়ী সিদ্ধান্ত বাস্তবায়ন অগ্রগতির প্রতিবেদন এবং পরবর্তী সভার কার্যপত্রে অন্তর্ভুক্তির জন্য নতুন কোন আলোচ্য বিষয় থাকলে তা লিখিতভাবে মহাপরিচালক বরাবর অবশ্যই নির্ধারিত তারিখের মধ্যে প্রেরণ করার জন্য সভায় পুনরায় নির্দেশনা প্রদান করা হয়।


৫: সভার সিদ্ধান্তসমূহঃ

এডিপি বাস্তবায়নের হার আরও গতিশীল করার নিমিত্ত প্রকল্প/কর্মসূচি সংশ্লিষ্ট সকল কার্যক্রম দ্রুত সময়ের মধ্যে সম্পাদনের জন্য বিস্তারিত আলোচনান্তে নিম্নরূপ সিদ্ধান্ত গৃহীত হয়।

ক্রঃ নং	সিদ্ধান্ত সমূহ	বাস্তবায়নকারী কর্তৃপক্ষ
৫.১	সমন্বিত মান সম্পন্ন উদ্যান উন্নয়ন প্রকল্প (ডিএএম অংগ) (সমাপ্ত) এবং “সিলেট অঞ্চলে শস্যের নিবিড়তা বৃদ্ধিকরণ (বিপণন অংগ)” (ডিএএম অংগ) প্রকল্পের নিরীক্ষা কার্যক্রম সম্পন্ন করার প্রয়োজনীয় উদ্যোগ গ্রহণ করতে হবে।	প্রকল্প পরিচালক আইকিউএইচডিপি (ডিএএম অংগ)(সমাপ্ত) ও প্রকল্প পরিচালক, আইসিআইএসআরপি (ডিএএম অংগ)
৫.২	(ক) আগামী মার্চ, ২০১৮ মাসের মধ্যে সকল আলুর ঘর নির্মাণ কাজ সমাপ্ত করতে হবে। আলুর বহুমুখী ব্যবহার সম্প্রসারণের লক্ষ্যে আলুর মুখরোচক খাবার জনপ্রিয় করে তুলতে আলু হতে রকমারি মিষ্টি প্রস্তুত পূর্বক বিক্রয়ের নিমিত্ত মডেল “আলুর মিষ্টি ঘর” তৈরীর কাজ শেষ করতে হবে। (খ) কর্মসূচির বরাদ্দ শেষ হলেও এর কার্যক্রম সারা বছর চালু রাখার নিমিত্ত প্রয়োজনীয় উদ্যোগ এবং আগামী সভা র পূর্বে বৃহৎ আকারে একটি নতুন কর্মসূচী প্রস্তাব করতে হবে।	কর্মসূচী পরিচালক বসত বাড়ীতে আলু সংরক্ষণ, প্রক্রিয়াজাতকরণ ও বিপণন কার্যক্রম কর্মসূচী
৫.৩	(ক) গৃহ পর্যায়ে আলু সংরক্ষণাগার নির্মাণ কৌশল ও তার উপযোগীতা সম্বলিত তথ্যাদিসহ লিফলেট, পোষ্টার ও হ্যান্ডবিল মুদ্রণের ব্যবস্থা নিতে হবে এবং এতদসংক্রান্ত বিষয়ে ০৭ (সাত) দিনের মধ্যে জাতীয় পত্র পত্রিকায় গণবিজ্ঞপ্তি প্রচারের ব্যবস্থা নিতে হবে। (খ) এতদসংক্রান্ত সিদ্ধান্ত বাস্তবায়নে কর্মপরিকল্পনা ও প্রস্তাব পরবর্তী সভায় উপস্থাপন করতে হবে।	কর্মসূচী পরিচালক বসত বাড়ীতে আলু সংরক্ষণ, প্রক্রিয়াজাতকরণ ও বিপণন কার্যক্রম কর্মসূচী
৫.৪	(ক) মার্চ/২০১৮ মাসের মধ্যে সকল প্রশিক্ষণ, সেমিনার ও মোটিভেশনাল ট্যুর কার্যক্রম সমাপ্ত করাসহ কর্মসূচির আওতায় সংগৃহীত ভ্যান গুলোর মাধ্যমে পণ্য সামগ্রী ঢাকা শহরে দৃশ্যমান স্থানে বিক্রয়ের ব্যবস্থা গ্রহণ করতে হবে। (খ) কর্মসূচি হতে যে সকল জেলায় ভ্যান বিতরণ করা হয়েছে তা বিভাগীয় উপ-পরিচালকদের মনিটরিং করার জন্য পত্র দিতে হবে। এছাড়া ভ্যান বিতরণের নীতিমালা অতি দ্রুত চূড়ান্ত করে বিতরণের ব্যবস্থা গ্রহণ করতে হবে।	কর্মসূচী পরিচালক ফ্রেশকাট শাকসজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচী
৫.৫	(ক) বিভাগীয় শহরের বিভিন্ন সুপারশপের উর্ধ্বতন কর্তৃপক্ষের সাথে আলাপ আলোচনা করে ফ্রেশকাট কর্মসূচির উদ্যোক্তাগণ কর্তৃক উৎপাদিত পণ্য সামগ্রী বিক্রির ব্যবস্থা গ্রহণের নিমিত্ত সংশ্লিষ্টদের সাথে সমঝোতা স্মারক (এমওউ) স্বাক্ষর করার ব্যবস্থা গ্রহণ করতে হবে।	কর্মসূচী পরিচালক ফ্রেশকাট শাকসজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচী

	(খ) আলু, টমেটোর বিকল্প ব্যবহার এবং ফ্রেশকাট শাকসজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ সম্পর্কে ব্যাপক প্রচার প্রচারণার লক্ষ্যে কৃষি তথ্য সার্ভিসের মাধ্যমে বিভিন্ন জাতীয় পত্রিকা ও ইলেক্ট্রনিক মিডিয়ায় প্রচারের ব্যবস্থা গ্রহণ করতে হবে।	
৫.৬	আলু ও টমেটো দিয়ে তৈরি বিভিন্ন রকমারি খাদ্যের প্রক্রিয়াজাতকরণ রেসিপি ও খাদ্যের বহুমুখী ব্যবহার সম্পর্কিত বিজ্ঞাপন জনবহুল পত্রিকায় প্রচারের ব্যবস্থা গ্রহণ করতে হবে।	উপ-পরিচালক (গবেষণা)
৫.৭	(ক) কাঁঠালের বহুমুখী ব্যবহার সম্পর্কে লিফলেট/ফোল্ডার প্রস্তুত করে ব্যাপক প্রচারের ব্যবস্থা নিতে হবে। (খ) কাঁঠালের গুণাবলী, ব্যবহার ও বিপণন সম্ভাবনার উপর ১টি প্রেজেন্টেশন প্রস্তুত ও কাঁঠাল মৌসুমের পূর্বেই ১টি স্টেকহোল্ডার সভার আয়োজন করতে হবে।	উপ-পরিচালক (বাজার সংযোগ) ও উপ-পরিচালক (গবেষণা)
৫.৮	কাঁঠালের চিপস, ফ্রেশকাট এবং কাঁচাকাঠালকে ভেজিটেবল মিট হিসেবে জনপ্রিয় করার উদ্যোগ নিতে এবং কাঁঠাল প্রক্রিয়াজাত করে বিভিন্ন পণ্য উৎপাদনের সুবিধার্থে এতদসংক্রান্ত লিফলেট বুকলেট প্রনয়ণ করতে হবে।	কর্মসূচী পরিচালক ফ্রেশকাট শাকসজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচী

৬। আর কোন আলোচ্য বিষয় না থাকায় সভাপতি সকলকে ধন্যবাদ জানিয়ে সভার সমাপ্তি ঘোষণা করেন।


(মোঃ মাহবুব আহমেদ)
মহাপরিচালক
কৃষি বিপণন অধিদপ্তর